

على فين يا شباب " المقدمة " .. الحلقة (10) ..

#على_فين_يا_شباب .. د . حازم شومان

حازم شومان

السلام عليكم ورحمة الله وبركاته. الحمد لله وكفى وصلاة وسلاما على عباده الذين اصطفى. ثم اما بعد. ازيكم يا شباب؟ كل سنة وانتم طيبين يوم حدوس زلزال تسونامي. وتحديدا قبل حدوس الزلزال بدقائق. كان الشباب والبنات قاعدين على البلاج منطلقين. مطبقين من ليلة امبارح ما كفهمش - 00:00:00

عاصم الليل. كمان عايزين يوصلوا الليل بالنهار في معصية ربنا. كان فيه واحد واقف بيصور بكاميرا من على سطح عمارة قدام البلاش. قعد يصور البنات والشباب وفرحان الكل فرحان ومنطلق. لما جت اول موجة عالية ما حدش توقع انها زلزال. كله فرحان وكله تلقاها ببهجة. وفي لحظات كان كل حاجة انقلبت. كان موج وراه موج كل - 00:00:20

في موجة اعلى من العمارة. كل موجة رسالة غضب من ربنا. كل موجة رسالة انتقام من ربنا. كل موجة رسالة تهديد لكل عاصي من ربنا. وفي خلال دقائق كان ما فيش ولا - 00:00:40

على الشط ولا في عمارة ولا على سطح عمارة الا وجثة خامدين والعياز بالله. اي واحد من الشباب دول وهم مسافرين من بلادهم. سواء كانت بلاد الخليج ولا اي بلاد ثانية - 00:00:50

لما كان حد يسألهم على فين يا شباب؟ رايح على فين؟ كان يقول له رايح اعيش حياتي، رايح استمتع بحياتي. وما هوش عارف ان هو رايح يضيع. رايح ينتهي، رايح يتدمر - 00:01:00

يا شباب على فين يا شباب؟ على فين يا بنات؟ على فين يا شباب امة محمد بن عبدالله عليه الصلاة والسلام. انا عايزك تعرف وعايذك تعرفي. انا عايزكم تعرفوا يا جماعة - 00:01:10

قبل ما تمشوا في اي طريق لازم تعرفوا الاول انتم رايحين على فين. قبل ما تاخذوا قرار هتمشوا في الطريق ده ولا في الطريق ده. فيه حد يسيب ربنا سايبين ربنا ورايحين على فين؟ سايبين البيت ربنا - 00:01:20

رايحين على فين؟ سايبين دين ربنا ورايحين على فين؟ فيه حد عاقل عاقل يختار بنفسه انه يمشي في طريق اخره ضمة اب. قبر تضيق اضلاعه يختلف اليمين في الشمال والشمال في اليمين فيه حد عاقل يسيب النظر لوجه الله وابواب الجنة المفتحة ويختار مقامع الحديد في جهنم في حد عاقل عاقل يختار - 00:01:30

انه يقف في الحر في خمسين الف سنة يوم القيامة. ويسيب ظل عرش الله ويشرب من ايد النبي عليه الصلاة والسلام. يا شباب انا عايزكم تختاروا. هدف السلسلة دي انكم تختاروا. انا باكلم مين - 00:01:50

انا بكلم كل واحدة سابت معاصي زمان ولسه ما تابتش منها. سابت بس ما تابتش. باكلم كل واحد فاكر ان الالتزام مجرد ان انا صليت ركعتين انا باكلم الجميع. باكلم اللي بيروح الاف بي اي. لما شاب صاحبنا راح لشاب في الاف بي اي. راكب في عربية مع بنت. فدخل راسه فجأة كده قال له انت - 00:02:00

مش عارف ان ربنا شايفك الولد اتسرق. ساب البنت وقال له والله انا تبت. انا تبت بس انا اول يوم ارجع النهاردة. خلاص دي رسالة من ربنا انا مش راجع ثاني. اهو ده - 00:02:20

بالزبط يا جماعة. السلسلة دي رسالة من ربنا عشان ما نرجعش ثاني. رسالة من ربنا عشان نفوق يا شباب. انا باتكلم اللي بيقول ها

هاتوا هاسيب لأ الليلة في رمضان بازن الله سبحانه وتعالى. معنا يا جماعة ان شاء الله نوصل لربنا سبحانه وتعالى. انا باكلم مين اللي بيكلمكم؟ اللي بيكلمكم واحد مش عايز لكم غير الخير. مش مش هيقدر - [00:02:30](#)

مش هيقدر. مش عايز اي حد يضيق عليه الامر ابدًا في الدنيا وفي الآخرة. اللي بيكلمكم فعلا هو يا جماعة اللي ما بينصحكم بتوع الدين. الكرسي ده معمول عشان كلمة - [00:02:50](#)

الحق مش معمول عشان حد يخدع الناس. احنا بنكلم مين؟ بنكلم الشباب. بنكلم الشباب اللي تايه في الدنيا كلها. ما بين الراب والجاز والميتال ما بين البنات بين القهاوي وما بين النوادي وما بين بنكلم الشباب بتوع أمة محمد بن عبدالله عليه الصلاة والسلام - [00:03:00](#)

على فين يا شباب؟ على القهوة رايح اعمى رايح اسهر ورايح اعيش حياتي. يا ابني انت تقدر تستحمل خمس ساعات. نزرة غضب من ربنا سبحانه وتعالى لك. وانت قاعد القعدة ديت - [00:03:17](#)

على فين يا شباب؟ رايح على الساحل انا واصحابي رايعين نجيب المخدرات اللي هنشربها الليلة. انت عارف عقوبة المخدرات ايه في القانون؟ لأ في جهنم والعياذ بالله فين يا شباب؟ عندي معاد مع صاحبتني اللي بحبها وبتحبني. طب انت حبيب قلبي حبيبك ربنا اللي اغلى من اي حد. تغضبه ازاى؟ على فين يا شباب؟ على الريل تي في. رايحة - [00:03:27](#)

على تصفيات التصفية بتاعة الاستار اكاديمي. طب وربنا ومال ربنا بالاستار اكاديمي. على فين يا بنات؟ على الكوافير اعمل شهر تسريحة تجنن الشباب. وتجيب لي احسن عريس ما جابتش للبنات غير الهم والعنوسة. والعياذ بالله. على فين يا شباب؟ انا رايح على النادي. اعيش حياتي. يا ابني حياتك لسة ما بدأتش. يا ليتني قدمت - [00:03:47](#)

طول حياتي. حياتك في الجنة مش في النادي. على فين يا شباب؟ انا رايح على سهرة ها عندي سهرة الليلة. تباع الجنة عشان سهرة؟ تباع ربنا عشان سهرة. تباع الفردوس عشان سهرة. على فين يا شباب؟ على رحلة هاقعد اسبوع. انا وصحابي وصحابتي. هو الدين يسر ولا ايه؟ مش الدين يسر مش عسر. العسر انك تودي نفسك جهنم - [00:04:07](#)

العسر انك تضيقها على نفسك في جهنم. على فين يا شباب؟ على الشوت طيب. اتفرج على المغني اللي باحبه. انت بتحرم نفسك من متعة عظيمة في الآخرة عشان بتاخذها بالحرام في - [00:04:27](#)

الدنيا على فين على الشاتنج انا رايح انا ورايا البريفس بوت الليلة انا ورايا الشاتنج الليلة على الفيسبوك. طب وانت بتشيك مع مين؟ انا بشيت مع ولاد وبنات. طب يا ابني - [00:04:37](#)

لو الناس كلها ضيعت نفسها في النار تودي نفسك معهم ليه؟ على فين يا شباب؟ على الماتش ده الساعة عشرة الصبح لسه والماتش بالليل رايح احجز مكان تحجز مكان ايه يا ابني - [00:04:47](#)

والصلاة هاصلي على النبي عليه الصلاة والسلام. طب نكلم مين؟ طب نروح لمين؟ طب ننجد شباب أمة محمد ازاى؟ على فين يا امهات؟ على المطبخ اجهاز السحور - [00:04:57](#)

واغسل طب على فين يا اباء؟ على الشغل انا يا ابني الصبح في الشغل والظهر في الشغل وبالليل في الشغل اكفي احتياجات الحياة ازاى؟ طب نكلم مين؟ طب مين اللي ينقز شباب أمة - [00:05:07](#)

محمد طب مين اللي ينقز الوضع اللي احنا وصلنا فيه يا جماعة؟ احنا عدنا عايشين في غيبوبة يا جماعة. غيبوبة غيبوبة من ولسه الاطفال اطفال بيدخلوا في الغيبوبة. الطفل جاي كل حاجة - [00:05:17](#)

وافلام الكارتون ورنات المحمول. اتمسك من وهو طفل. الطفل يكبر ويبقى شاب في سانونية عامة وبت في سانونية عامة. والغيبوبة تزيد. يقعد يزاكر وفي الدروس ليل نهار ليل نهار يرجع اخر اليوم ما هوش شايف قدامه. ابوه يقول له هاقطم رقبتك لو ما قعدتش على المكتب تزاكر. لا فكر في صلاة ولا اكله وهو صلى ولا ما صلاش. الشاب - [00:05:27](#)

خرج من السانونية العامة يدخل الجامعة. الغيبوبة تزيد اكثر واكثر واكثر. البنت يبقى كل همها البودي والبنطلون الجينز والبرفان وفتى الاحلام الروش اللهجة ياخذها على الحمار الفيراري. والشاب كل همهم العربيات واللف بها. والبلاي ستيشن والشات على النت

والمصايف والكورة والنوادي والقهاوي والراب والجاز - 00:05:47

واغاني المتل واغاني الهارد روك. والتدخين والمخدرات والمعاذف. كل هم الشباب في حياته كده. بعد كده التخرج يبجي يتخرجه الغيبوبة نسيت اكثر واكثر تلاقي الشاب ماسك السي في بتاعته قاعد يلف على الشركات ما حدش بيقبله. وبعد كده يروح يقعد على القهوة مستني اي حل وهو - 00:06:07

وركعتين في بيت ربنا. يحلوا كل مشاكل حياته. بعد كده يدخل طول الليل يسهر قدام النت. يدور على واحدة اجنبية يتعرف عليها يمكن تسفره برة. ولا يطلع على شرم الشيخ - 00:06:27

يفضل مواعين يمكن يتعرف على واحدة يتجوزها ويسافر معها برة. شباب غيبوبة والبنات قاعدة تلف على الاتيليهات. تشوف فستان سواريه عشان صاحبها اللي هيتجوز النهاردة. لما جه في الجامعة صاحبها خرج كزا سنة. ولما جه يتجوز ما فكرش فيها. وكل ما يبجي فرح تشوف اسوأ فستان سواريه يمكن حد - 00:06:37

مرة يفكر فيها كزوجة مش يفكر فيها. كاي شيه ثاني غيبوبة. لما يكبر الشباب ويبقوا اباء وامهات الغيبوبة تزيد اكثر. تلاقي الاب قاعد مهموم مشعل بتعمل ايه البت اللي اتجوزت دي البنت المخطوبة دي هجوزها ازاي ؟ واجيب لها عفش يشرفنا قدام جوزها ازاي ؟ والبت اللي لسة ما اتقدملهاش حد ان هي تتجوز ولا لا ؟ والولد اللي اتخرج ده ومش لاقى له - 00:06:57

والولد اللي عايز يتجوز ومش عارف اجوزه. والواد اللي في سانوي اللي مقطني كروت محمول وما عدتش عارف اقضي طلباته. وازازة الزيت وطابور العيش. اعمل ايه ؟ بس لما يبجي الماتش كل ده بينتهي. كل ده بيروح. يفضل الراجل قاعد قدام الماتش. لما يبجي جون كانه بشر بالجنة. ولما العشر لعبية اللي بيلعبوا بتوع فريقه كانهم - 00:07:19

اشهر المبشرين بالجنة. وحارس المرمى ده حامي حمى الامة يلا يا بطل الله ينصر دينك. احم المرمى بتاعنا من طلقات الاحباء والمتفرجين اللي قاعدين الانصار ولو راحوا المسجد ولو راحوا الملعب يشجعوا هناك يبقوا المهاجرين وما هوش واخذ باله ان بنته وهو قاعد قدام الماتش بتقول له مع السلامة يا بابا - 00:07:39

لا بص للبنطلون اللي لابساه ولا المكياج اللي خطاه ولا المحمول اللي رن لها قبل ما تنزل ولا رايحة فين ولا هتقعد امتى واخوها طالع وهي نازلة ما بصلهاش وابوه ما بصش للسواد اللي تحت عينيه والسواد اللي على شفايفه. ازاي يا جماعة ؟ ازاي وصلنا للمرحلة دي ؟ ازاي امة محمد بقت امة عايشة في الغيبوبة دي ؟ ازاي - 00:07:59

كمان من الف وربعميت سنة لو كنا وقفنا في المدينة المنورة وقلنا على فين يا شباب ؟ على فين يا ام سلمة انا رايحة اهاجر اهاجر لله ورسوله على فين يا سلمان ؟ ازاي بالدنيا ووطني وبلدي ؟ وطالع ادور على حد يوصلني لربنا على فين يا معاذ يا ابن عفراء النبي اتشتم ابو جهل شتم رسول الله صلى الله عليه وسلم - 00:08:19

انا طالع في غزوة بدر عشان انتقم من ابو جهل. على فين يا ابن عباس ؟ انا هلف الدنيا كلها عشان اطلب علم. عشان اعلم الدنيا كلها. على فين يا معاذ يا ابن جبل - 00:08:39

طالع على الشام واليمن علم الناس دين ربنا. على فين يا مصعب ؟ طالع على المدينة المنورة عشان افتح المدينة بالدعوة الى الله قبل ما مكة تتفتح بتسع سنين. على فين يا صهيب - 00:08:49

عمرى وفلوسك في مكة ورايح فين رايح اهاجر لله ورسوله. انصر دين الله. على فين يا شباب الصحابة ؟ على دين ربنا على نصرة دين ربنا على على فين يا خالد يا ابن الوليد ؟ انا رايح افتح العالم وازلزل عروش كسرى وقيصرى عشان الاسلام ينتشر في العالم. وعشان انتم بكرة تطلعوا مسلمين. ياه - 00:08:59

ياه يا شباب وصلنا لفين يا شباب ؟ انا عايز اقول لك يا بنتي عايز اقول لك يا حبيب قلبي انا احكي لك قصة حياتك. احكي لك قصة حياتك اللي هتشوفها صوت - 00:09:19

لو ما صلحتش الوضع بسرعة. صوت وصورة ساعة العرض على الله. احكي لك قصة حياتك كلها خمسات. خمسات اول خمس سنين في حياتك. كنت لسة طفل صغير. كل قضية البامبرز والكابتن ماجد وجريندايزر والرضعة كان له كل حياتك. كبرت الخمس سنين

التانيين بدأ الفكر يتغير. بقيت - 00:09:29

عايز الشوكولاتة وعايز المصروف وعايز ابوك يشترك لك في النادي وعايز تلعب كورة وعايزه يجيب لك كوتش حلو وعايز تبقى لعب حريف. الخمس سنين التاليتين جم بقيت عندك خمستاشر الفكر بدأ يتغير بقيت عايز الحزام العريض والبنطلون الجينز وماركة التيشيرت وماركة البنطلون وبتبص للبنت وعايز تكلمها وعايز تضرب شعرك جل ويبقى منزرك - 00:09:49

كويس يلفت البنات. الخمس سنين الرابعين بدأ عينيك تتفتح على الدنيا بقى. بدأت تفكر في سهرة حلوة. فيه سيجارة ملغمة. في عربية تلف بها. ابويا ليه ما طلعتش نصاب زي ابو فلان. يعرف يجيب لي عربية في محمول بس رنة مش اي رنة. بدأت تفكر في واحدة تحبها وتحبك. بدأت دماغك تتغير. الخمس سنين اللي بعد كده - 00:10:09

بدأت تدخل في الخنقة والاكثاب والضيق والحبسة. اتخنقت من المعاصي. عملت كل حاجة. ما عدش فيه حاجة ممكن تعملها وما عملتهاش. بقيت بتقعد قدام الشات ولا قدام ما عدتش بتسمع الادان. كت قبل كده بتسمع الله اكبر بس ما بتنزلش. الوقت ما عدتش بتسمعها. اتختم على ودانك. ايه خاف احسن يتختم على قلبك - 00:10:29

وصلت للمرحلة الخطر. مرحلة انك انت ربنا هتشارك انك تسمع كلمة الله اكبر. المرحلة الخطر مرحلة الضياع. ازاي؟ ازاي يا امة محمد؟ ازاي يا شباب للمرحلة دي ازاي وصلوا شباب شبابنا؟ رجالتنا ان هم يبقى فكرهم محاضرة الصبح واقفة في الجامع بعد الظهر وسهرة بالليل. ازاي - 00:10:49

البنات انها تمشي بالشميز والبنطلون الجينز في الشارع. ازاي وصلونا للمرحلة ديت؟ ازاي؟ مقارنة ما بين عائشة وبنت من بنات الايام دي. مقارنة ما بين شباب الصحابة وشباب الايام دي ازاي الصورة دي اتغيرت ضحكه علينا ازاي؟ ازاي وصلوا الالباء؟ ان هو يشوف بنته لابسة لبس بنات الرايات الحمرا في مكة ايام النبي عليه الصلاة والسلام - 00:11:09

ما كانوش بيلبسوه ويديها فلوس ويقول لها خلاص وما يكلمهاش. ازاي وصلونا؟ ازاي تليفزيونا؟ ازاي بقى ده تليفزيوننا؟ تليفزيون امة محمد. ازاي بقى ادينا وادي امة محمد ازاي بقى دي جماعات امة محمد؟ ازاي يا جماعة؟ ازاي يا شباب؟ يا جماعة سلسلة على فين يا شباب؟ سلسلة قاطرة انقاذ. قاطرة. السلسلة دي باذن - 00:11:29

مقدمة قاطرة العربية اللي في اول قاطرة طويلة. لو مشينا مع بعض ان شاء الله هنكمل مع بعض. لسة بازن الله ربنا احيانا حاجات كتير. الطريق طويل يا شباب عشان الغيوبة دي نفوق منها. الطريق طويل يا شباب عشان نرجع نعكس الوضع بقى. النكسة اللي حصلت دي نرجع. نرجع زي زمان زي الصحابة. الطريق طويل - 00:11:49

الفجوة ما بين زمان وما بين الوقتي فجوة رهيبه. الطريق طويل يا شباب. انا هدفي ان التلاتين يوم اللي احنا مع بعض فيهم دول تتوب ثلاثين مرة بازن الله ثلاثين مرة معه كل حلقة تتوب لربنا. مع كل حلقة تجد التزامك كله. انا باكلم مين؟ انا باكلم من اول اللي لابسة لبس وكاشفة شعرها بطريقة كأنها مش عارفة - 00:12:09

ان في نار لغاية اللي لابساه لي نقاب ومتكحلة من تحت النقاب. انا بتكلم من اول الشاب اللي قاعد في العربية قاعد يرقص جوة العربية مع الموسيقى اللي مشغلها. في مارينا - 00:12:29

اللي مربى لي دقنه نايم في السرير. انا باكلم مين؟ انا باكلم الشباب اللي قدموا اعتزاز رسمي لرسول الله، صلى الله عليه وسلم. لما اتشتم قالوا له معلش يا رسول الله - 00:12:39

مشغولين الدورة الافريقية. بعدها الدوري العام. بعدها تصفيات ستار اكاديمي. بعدها الامتحانات. بعدها المصايف والصيف ما يتعوضش. قدموا اعتزاز رسمي لرسول الله صلى الله عليه وسلم. انا باكلمكم كلكم يا شباب. انا باكلمكم باقول لكم هدفنا الوقتي.

هدفنا خطير. هدفنا نقلة نقلة خطيرة. انا عايز السلسلة دي تبقى نقلة في حياتك بازن الله. نقلة - 00:12:49

عظيمة في حياتك. على فين يا شباب؟ الوقتي اي شاب؟ انا على القهوة وانا على النادي وانا على الشات وانا رايح الكوافير وانا على دولابي ولا على محل هدومي اجيب اسوأ موديلات. عايزين - 00:13:09

تخلص بازن الله على فين؟ لأ عايزين الليلة. على فين؟ على آآ اسرة فقيرة اكفولها. على فين؟ على صاحبي رايح ادعو الى الله. على

فين ؟ على - 00:13:19

انا رايح المسجد اصلي جماعة على فين؟ على رحمي اصلهم على فين؟ على ايد امي وابويا ابوسها. على فين؟ على الدنيا نغيرها. على الجامعة نغيرها. على امة محمد نفوقها على فين؟ على الطاعة والدين والقرآن وحلقات التجويد والدروس على فين؟ احنا في السلسلة ديت انك تعرف انك تعرف هتختار انهي طريق من اللاتنين - 00:13:29

على فين ؟ الطريق ده بيودي على فين والطريق ده بيودي على فين ؟ وتختار من الوقتي ايه يعني لو انا جيت وقلت لك ادي اوضة اهي. الاوضة دي فيها يعني ممكن الواحد يزني فيها والعياز بالله. ولكن هتطلع منها في اوضة تانية نار هتتحبس فيها. مين اللي يوافق - 00:13:49

ما حدش يوافق ابدأ. لا يمكن حد هيوافق ابدأ. عشان كده يا جماعة انا عايزكم تختاروا هدف السلسلة دي انك تتغير. السنة اللي فاتت في رمضان ما اتغيرتش ليه؟ رغم انك جيت وصلت. ما تغيرتش - 00:14:04

ليه؟ ليه؟ ايه المانع؟ ليه ما بتوبش؟ ليه ما بتنطلقش؟ لمازا لا تلتزم؟ ايه اللي منعك؟ كيف تتغير؟ كل دي الاسئلة داهيت اجابتها ان شاء الله في السلسلة ازاى تنطلق الى الله؟ هدف السلسلة ديت ان كل واحد فينا يقول انا يا رب جه الوقت اللي هرجع لك فيه يا رب. احنا في السلسلة دي انك ما تدمش. ما حدش - 00:14:14

لما يشوف قصور الجنة ورياض الجنة ما يندمش انه حرم نفسه منها في الدنيا. هنا في السلسلة دهيت هدف السلسلة ديت ان يحصل نقلة في حياتنا يبقى اربعة وعشرين ساعة في حياتنا على - 00:14:34

فين يا شباب على ربنا؟ عاوزك يا رب عاوزينك يا رب هدف السلسلة دي انك تاخذ قرار انك تاخدي قرار اللي مش محجة تاخذ قرار اللي مش ملتزم ياخذ قرار الملتمزم - 00:14:44

التزم ان ما فيش ولا واحد التزم على ايده لغاية دلوقتي ياخذ قرار. المنقبة اللي نايمة في بيتها وملتزمة سلبية. الاخوات على ما تفرج ياخذوا قرار. امرأة فرعون خد القرار. اتخلف عن لقب سيدة القصر الاولى. وخذت سيدة الجنة الاولى مع ثلاث نساء. اربع نساء كبروا في تاريخ البشرية. قاتل الماء خد قرار - 00:14:54

وطنه وبلده وكل حاجة وراح لربنا. امرأة عمران خدت قرار. قدمت اغلى ما تملك لله. قدمت بنتها مريم لله سبحانه وتعالى. هدف السلسلة رمضان مش موسم بعد كده حداثر شهر نعصي ربنا نضيع حسنات شهر. رمضان يا جماعة موسم ان احنا نقف مع نفسنا ونأخذ قرار. تغيير فكر ووجهة وطموح - 00:15:14

انا عايز طموحك يتغير. انا عايز كل حاجة فيك تتغير. انا عايز كل حاجة في نزرتك وبصيرتك ورؤيتك. واراك وطموحك وافكارك ومنهجك رسالتك في الحياة تتغير. عايزين نتغير يا شباب. السلسلة دي طوق نجاة. طوق نجاة بازن الله سبحانه وتعالى. انا مش هسيبك. انا لو اختي عايزة تخرج من - 00:15:34

وبرة الباب حفرة نار مهما قومتنى مش هسيبها. مش هسيبها تضع نفسها. انا مش هسيبك. لو انت مش عايز تيجي انا اللي هجي لك. احنا اللي هنجي لكم يا شباب - 00:15:54

في السلسلة ديت ان كلنا كلنا يوم القيامة على حوض رسول الله صلى الله عليه وسلم. نبقي كلنا مع بعض واحنا رايعين للنبي. نشرب كلنا مع بعض من حوض النبي - 00:16:04

ندخل كلنا مع بعض ان شاء الله من الفردوس الاعلى. نروح كلنا مع بعض ننظر لوجه الله الكريم. كلنا نبقي صحبة في الجنة. زي ما كنا صحبة في الطاعة في الدنيا. هدف السلسلة - 00:16:14

هدف كبير اوي يا شباب. اوي والله. احنا الوقتي في قاطرة قافلة قافلة انطلقت الى الله سبحانه وتعالى. قافلة لانقاز شباب امة محمد لازم كله يشارك. لازم كله يبقى معنا. يعني انا الوقتي - 00:16:24

عايز انقل لكم عايز انقل لكم قصة لما يعني قصة مبهرة. تبهر اي انسان. قصة واحدة اسمها ام كلثوم. عارفين ام كلثوم؟ مش ام كلثوم بتاعة الايام دي بتاعة جيل الغيبوبة. ام كلثوم بتاعة جيل اليقظة. ام كلثوم بنت عقبة ابن ابي معيط. ام كلثوم دي يا شباب كانت بنت.

فتاة ضحت بكل حاجة - 00:16:39

عشان ربنا يا ترى ضحت ازاي ؟ وربنا اداها ايه ؟ ام كلثوم كانت بنت عقبة ابن ابي معيط. عقبة عقبة اللي حاول يختلي النبي وشده على رقبة النبي عليه الصلاة والسلام الهدوم في صحن الكعبة والنبي وجب لركبته. النبي وقع واخشي عليه عليه الصلاة والسلام. ولما جه ابو بكر مسك النعل وقعد يضرب ابو بكر - 00:16:59

لغاية ما خلى وش ابو بكر وضهره كله دم وحكى في الامام معيط اللي قعد يضرب بظهر رجله ظهر رسول الله صلى الله عليه وسلم وبايديه يرجع راس النبي عليه الصلاة والسلام - 00:17:19
لورا في صحن الكعبة عشان يموت رسول الله. عقبة اللي قام جاب صلاة الجزور وقام حطه على راس رسول الله صلى الله عليه وسلم. والرسول في صحن الكعبة عليه الصلاة والسلام رسول الله في صحن الكعبة. بيصلي ويبسجد لله. عقبة بنته تتوب وتلتزم وتسلم. بنته افضل بن ابي معيط - 00:17:29

ده مش عقبة ده عقبة. بنته اسلمت. دخل في قلبها نور الايمان. بنت صغيرة. فتاة صغيرة ممكن تكون في سن بنات سانوي. وقت ما اسلمت. ممكن تكون في سن بنات اول جامعة وقت ما - 00:17:49

اسلمت وتكنتم اسلامها ومش عارفة تقول ايه هتواجه مين ؟ ده بنت طاغوط من طواغيت الطواغيت اللي حاربت الاسلام. وتمر الايام ويجي الهجرة ويهاجر الصحابة مكة وتفضى عليها مكة ومش عارفة تعمل ايه. ويجي بدر ابوها يقتل في بدر. عليه لعنة الله. ما هيش عارفة تعمل ايه. دخلت في سن الجواز. بدأ العرسان يتقدموا لها - 00:17:59

يا ام كلثوم يا ام كلثوم هتوافقي على مين مش موافق على حد ازاي انا مش عايز اتجوز مش عايزة تتجوزي ليه مش قادرة تقول مش قادرة تعلن وتمر سنة اثنين ثلاثة اربعة - 00:18:19

يا بنات يا اللي عايزين تتجوزوا حتى لو شباب ما بيصلوش ازاي! يا ام كلثوم هتعملي ايه! مش عايزة ما هيش عايزة هي مختارة ربنا سبحانه وتعالى. مستنية اما تيجي لحزة فضل - 00:18:29

يا ام كلثوم يا ام كلثوم على فين يا ام كلثوم؟ يا ام كلثوم ده انت بنت صغيرة والدنيا قدامك. انت مش عايزة مص له في ماي لايف ولا ايه ؟ لأ انا عايزاك انت يا رب. يا ام كلثوم - 00:18:39

ده انت الحياة كلها قدامك البسي اللي انت عايزاه واتكلمي مع اللي انت عايزاه. وانطلقى واطلعي الرحلات اللي انت عايزاها. لا. انا عايزاك انت يا رب. طب وبعدين؟ وتيجي الضربة القاسمة والمفاجأة صلح الحديبية. لما النبي اتصالح مع المشركين على ان ما فيش واحد ييجي مسلم ابد الا والنبي يردده للمشركين. ام كلثوم وقفت في صدمة ما عدش - 00:18:49

ينفع تستنى اكثر من كده ؟ لازم تهاجر بس تهاجر ازاي ؟ لو اهلها عرفوا هيقتلوا. وتهاجر الطريق من مكة للمدينة الوحيدة ازاي ؟ ما تقدروش تقول لحد. ما تقدروش تعلن قدام حد - 00:19:09

واخواتها عمارة والوليد ووطنها وبلدها والارض اللي نشأت فيها. ولو راحت هناك والرسول ردها تبقى مصيبة. هيدبحوها على طول. طب وهتعمل ايه بس ما حدش ينفع ايه تأخر اكثر من كده. تاخذ القرار ام كلثوم وتطلع مهاجرة الى الله ورسوله. في حركة بطولية ما فيش حد في التاريخ ما فيش امرأة في التاريخ عملتها - 00:19:19

تطلع مهاجرة منطلقا الى المدينة ام كلثوم. على فين يا ام كلثوم؟ على ربنا. على فين يا ام كلثوم؟ على فين يا بنتي يا شابة يا صغيرة يا اللي سبت كل حاجة عشان ربنا - 00:19:39

فين سايبه امك ورايحة على فين رايحة على طريق ربنا. سايبه وطنك ورايحة على فين على طريق ربنا. سايبه الدنيا كلها واخواتك وبلدك ورايحة على فين؟ رايحين على طريق ربنا. انا اخترتك انت يا رب. انا مش هاخير بينك وبين اي شيء الا وهاختارك انت يا رب. انا اخترتك انت على كل شيء في حياتي يا رب. انا جاية لك عاوزاك - 00:19:49

انت يا رب ام كلثوم تطلع مهاجرة وتوصل للمدينة واول ما توصل للمدينة تحصل الصدمة لاهل المدينة كلهم. هيعملوا فيها ايه؟ هيعملوا ايه؟ يردوها! هيقتلوا. طب وبعدين؟ النبي عليه الصلاة والسلام هياخذ قرار فيها ايه - 00:20:09

الصحابة قاعدين كلهم مستنيين. ام كلثوم هنرجعها ازاى ؟ هنرجع هنرجع اللي ضحت بكل حاجة عشان ربنا ازاى ؟ وهي واقفة مستنية والنبي مستني والصحابة مستنيين ويصدر القرار من فوق سبع سماوات. ينزل الملك سيدنا جبريل سبع سماوات. بقرآن بسورة كاملة من سور كتاب الله. سورة كاملة - 00:20:24

على اسم ام كلثوم بنت عقبة ابن ابي معيط. سورة كاملة ربنا بيقول للنبي اوعى ترجعها. اوعوا ترجعوها. حتى لو قامت حرب بينكم وبين مكة اتقتل فيها الاف المسلمين حتى لو سال دمكم كلكم. حتى لو اتقتلتم كلكم اوعوا ترجعوا ام كلثوم. ربنا ينزل سيدنا جبريل بسورة الممتحنة الممتحنة اللي هي ام كلثوم بنت عقبة ابن - 00:20:44

بيقول فلا ترجعوهن الى الكفار. انتهت القضية. ينزل القرار السماوي في شأن ام كلثوم ان دي ما ترجعش. الكنز ده ما فيه النور اللي في قلبها ده ما يتسابش يضيع ابدًا. وتهاجر ام كلثوم لله ورسوله. وربنا سبحانه وتعالى يقبل هجرتها ويقبلها. وينزل فيها السورة داهية - 00:21:04

والنبي عليه الصلاة والسلام يجوزها من عبدالرحمن بن عوف من احسن الصحابة دينا ومن اغنى الصحابة جوازة ما فيش واحدة تتمناها ما فيش واحدة تحلم جواز من ترك شيئا لله عوضه الله خيرا منه. يا اختي يا بنتي في الله يا حبيب قلبي يا اخويا يا شباب يا شباب احنا - 00:21:25

مش عايزين نبقي زي ام كلثوم بنت عقبة بن ابي معيط! مش عايزين نتحدى الدنيا كلها! مش عايزين نكسر كل الاعراف اللي حوالينا! نكسر كل الشهوات اللي حوالينا! الواحد هيتجنن - 00:21:45

هيتجنن شباب امة محمد وصلوا للدرجة دي ازاى ؟ انت الواحد ما هوش عارف يدخل على موقع اسلامي من غير ما يلاقي صور بتتحدف ويلاقي حاجات غريبة الدش ما هو - 00:21:55

عارف يقلب على قناة اسلامية قبل ما يجي لك عشرين قناة بصور ما يعلم بها الا ربنا. الشارع ما عدناش عارفين نمشي فيه. ليل الخميس والكورنيش ولبس البنات وشكل الشباب والعربيات والاغاني والكاسيت والقرى السياحية. ايه يا جماعة! الارض ارض المسلمين اتملت بالضلال ده كله ليه يا جماعة؟ يا شباب الاسلام - 00:22:05

عمرتم الارض بالمعاصي ليه ؟ يا شباب امة محمد على فين ؟ خد بالك كل واحد له وجهة في الحياة. لو انت ما انتاش عارف انت رايح على فين فيه حد جاي عليك. ملك الموت جاي عليك. اوعى تغفل. لازم يبقى لك وجه في الحياة. هدف السلسلة ديت -

00:22:25

ان انا اقول لك انك تختار. هدفها ان الطفل لما اتولد بدأوا اهله يعلموه ان نص الدرجة السانوية العامة دي كارسة. وان عقد العمل ده فرصة. وان الفلوس دي هي اللي بتحرك الحياة - 00:22:41

انا جاي النهاردة عشان اقول لك ان الفكر ده كله غلط. انا جاي النهاردة عشان اقول لك ازاى نوصل للجنة؟ مش ازاى نوصل للفلوس في الدنيا؟ ازاى نوصل للجنة؟ السعادة - 00:22:51

ازاي نوصل للسعادة؟ فيه ناس افتكروا ان السعادة في اللبس والمكياج والموديلات نزلت ودفعت اهلها الوفات. وخست نص وزنها وهي بتجيب الموديلات اللي هي عايزاها وبعد كده ساعتين حمام كريم وساعتين حمام خيار بالزبادي على وشها. وفي الاخر نزلت لقوا الناس بيبصوا على بنت تانية اتعست - 00:23:01

واتقهت. فيه ناس افتكرت السعادة في الفلوس. جرت وراها جري الوحوش. واما جت الفلوس ما لقتش نفسها سعيدة. فيه ناس افتكرت السعادة انه يتجوز من بنت حلوة. زل نفسه ابوها واخوها وعمها وخالها وجيرانها واما اتجوزها ما لقاش نفسه سعيد. انا باكلكم عشان نعرف سكة السعادة ايه يا جماعة؟ على فين يا شباب؟ على فين يا شباب سلسلة - 00:23:19

ان تعرفوا انتم رايحين على فين. انكم تختاروا انكم تعرفوا طريق الطاعة هيودي على فين وطريق المعصية هيودي على فين. وتختاروا هتختاروا الطريق ده ولا لأ؟ هتختاروا ربنا ولا لأ؟ هتختاروا الدين ولا لأ؟ هتختاروا طريق رسول الله وحوض رسول الله والنظر لوجه الله ولا لأ؟ هتختاروا انهي طريق من الاثنين يا شباب؟ على فين ؟ لازم ناخذ قرار - 00:23:39

لازم نتغير لازم ننقل نقلة خطيرة في رمضان داهو بازن الله سبحانه وتعالى. وصلنا لخطر فقرة في البرنامج بتاعنا. فقرة التوصيات يا جماعة السلسلة دي سلسلة محاولة لانقاز شباب امة محمد. اللي بعاد عن ربنا. قال لها طب الحمد لله ده انا منقبة والحمد لله انا ملتحي. لأ يا حبيبي. نزام - [00:23:59](#)

اوعى لما تفرج دول انا بكلمهم قبل ما اكلم غير الملتزم. انا بكلم اللي مش فاهم يعني ايه دين. مش فاهم يعني ايه التزام. انا عايزكم كلكم يا شباب تبقوا من طراز. وجعلني مبارك - [00:24:19](#)

اينما كنت تبقوا نور مصابيح ماشية في الدنيا. تبقوا شخصيات تغييرية. تغيري صاحبائك وتغيري النادي اللي انت فيه. وتغير الحثة بتاعتك وتغير شلتك غيري انتيمنتك وتغير الدفعة بتاعتك وتغير السيكشن بتاعك وتغير الراوند بتاعك. وتغير الكلية بتاعتك. انا عايزكم يا جماعة تبقوا مباركين اينما كنتم. تغيروا كل - [00:24:29](#)

اسرة مواصلات تركبوها تغيروا بلدكم. تنقذوا امة محمد. الرسالة دي السلسلة دي للجميع. حتى الاباء والامهات فوقوا معنا يا جماعة. ده انتم ده انتم اللي ربطونا انتم اللي بتأسروا علينا باقل كلمة. انتم اكتر موجهين في الامة ده ايه! هاتوا ولادكم وسمعوهم. عايزين يا جماعة التوصية الليلة ان كله يبعث كلاكسات. عايزين نبعت كلاكسات - [00:24:49](#)

لكل الشباب ابعتي كلاكسات لشلتك ولشلتك. ابعتوا كلاكسات بالايميلات. ابعتوا كلاكسات بالمزداد. ابعتوا كلاكسات بالمكالمات. ابعتوا كلاكسات بالزيارات. عايزين كله يفوق كله ينضم لقافلة انقاز امة محمد انقاز شباب امة محمد. عايزين كله يفوق الليلة كل وزيفتنا كلاكسات. نعرف الناس كلها انها لازم تفوق. نعرف الشباب - [00:25:09](#)

كلها انها لازم تفوق. لازم الكلام انا بقول كلام ايه؟ انا بقول كده الكلام ده مش هيتنفذ غير بكم يا جماعة. بازن الله سبحانه وتعالى كل ليلة في رمضان لله عتقاء من النار. لازم يبقى برنامجك الليلة انك تعتقي من النار. لازم يبقى برنامجك الليلة انك تعتق من النار. لازم كل لازم ندخل بداية حارقة. بداية محرقة - [00:25:29](#)

عشان نهاية رمضان تبقى نهاية مشرقة. لازم ننطلق الى الله يا شباب. لازم يا شباب. نعرف احنا رايعين على فين. نبقي عارفين وجهتنا وهدفتنا وطموحنا ورسالتنا في الحياة عايزين نعتق من النار يا رب. اللهم اعتقنا من النار. اللهم اعتق رقابنا من النار. اللهم اجعل هذه الليلة ليلة - [00:25:47](#)

عتق رقابنا من النار. اللهم اعتقنا من النار. اللهم استعملنا ولا تستبدلنا. اللهم ايقظ امة حبيبك. اللهم اهد امة اللهم انجد امة حبيبك. اللهم يا رب انصرنا. اللهم اجعل رمضان هذا فتحا على امة محمد في هداية الشباب والفتيات - [00:26:07](#)

والرجال والنساء والاطفال. اللهم اجعل رمضان هذا فتحا على المجاهدين من امة محمد. في نصره دينك في الارض. اللهم يا رب ايقظ قلوب الغافلين. اللهم يا رب اهد الحائرين والتائهين. اللهم يا رب ارشد الغافلين. اللهم يا رب خذ - [00:26:27](#)

اليك خذ بنواصينا اليك اخذ الكرام عليك. اللهم يا رب اهدنا. اللهم انجد امة محمد. ايقظها. اللهم اغثها اللهم انصرها. اللهم اجعل رمضان هذا فتحا علينا جميعا. تب علينا لتتوب. تب علينا توبة ترضى بها عنا. تب علينا توبة ترضيك يا رب - [00:26:47](#)

يا رب لا نرد لا نرد بعد ان وقفنا على بابك. افتح لنا بابك افتح قلوبنا على هداك. برحمتك يا ارحم الراحمين سبحانه اللهم وبمحمدك اشهد ان لا اله الا انت - [00:27:07](#)

استغفرك واتوب اليك. وجزاكم الله خيرا - [00:27:23](#)